



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### **Directorivm Sacerdotale & Clericorum Specvlvm Insigni Pietatis Ac Devotionis Supellectili exuberans**

**Kinckius, Matthias**

**Coloniæ, 1662**

Post Sacrum gratiarum actiones septem pro singulis septem pro singuis  
hebdomadæ diebus,

[urn:nbn:de:hbz:466:1-46628](https://nbn-resolving.org/urn:nbn:de:hbz:466:1-46628)

vio referas, & hic divinus cibus in substantiam tuam convertatur. Certè ingratitude magna esset hoc negligere, & signum vel mortis spiritualis, vel tepiditatis ad mortem disponentis, quia ignem, (ait S. Bonavent. Tract de præparat. ad Miss. c. 4.) posuisti in sinu, & non sentis calorem: mel in ore, & non sentis dulcedinem: & Deus ingritudinem valde exosam habet.

*Variarum actiones septem pro totidem hebdomada diebus.*

## I. DOMINICA.

## DE REGE.

**V**ide Salvatorem in medio cordis tui tanquam regem potentissimum: te verò tanquam reum & multorum peccatorum conscium, astantem, ac veniam, atque misericordiam petentem.

2. Age gratias de s. rebus *Primò* quòd voce tua panem & vinum convertit in corpus & sanguinem: & adfuit in sacramento, non ut peccata puniret, sed

P 6

quasi

quasi Rex benignissimus tibi propitius  
esset. 2. quod in manibus vilissimi pec-  
catoris se ipsum posuit. 3. quod tanta be-  
nignitate orationes peccatoris sordens-  
tis audivit. 4. Quod os tuum intravit, &  
in lingua refedit. 5. Quod in domuncu-  
la imparatissima cordis tui habitare  
constituit.

3. Detestare coram illo omnia pec-  
cata tua in saeculo, in Religione, &c.  
commissa, magnum dolorem concipe,  
indulgentiam pete.

4. Dilige eum toto corde, ita scilicet,  
ut desiderio, ac firmo proposito ni-  
hil illi contrarium velis: nihil quod ad  
illum, actu aut vi recte, non tendat ac  
dirigatur, ita ut illum tibi ac reliquis  
omnibus praeponis.

5. Tandem pete à Domino septem  
dona, similia illis, quae B. Virgo (ex  
*Bonav. cap. 3. Medit.*) quotidie petebat.

1. Auxilium efficax, ut praecipuum  
amoris Dei compleas. 2. Ut constanter  
diligas proximos, & quod Deus dili-  
git. 3. Quod odio Deus habet, verissi-  
mè oderis. 4. Ut humilitate, castitate,  
obedientia, contemptu saeculi & uni-  
versis virtutibus exorneris. 5. Ut corpus

ac mentem, dignum sibi habitaculum efficiat.

6. Ut post hanc vitam videas oculis carnis SS. eius humanitatem, & B. Virginem oculis mentis, ipsius divinitatem clarè aspicias, atque in æternum possideas.

7. Ut in hoc templo, & omnibus, qui sunt in toto orbe, ab universis Sacerdotibus fidelibus, dignam veneracionem accipiat.

FER. II. DE DOMINO.

1. Respice Christum in medio cordis tui, ut Dominum, qui pretio sanguinis te redemit, teque ipsum veluti servum, qui per novum fervorem, ad ipsum vis redire: atque in omnibus, illi placere concupiscis.

1. Age gratias quod in hoc sacramento præsens adfuerit, ut habitaculum cordis regat, & turbam passionum dono mortificationis componat. 2. quod manibus sordescens ac vilissimi mancipij se tractari permisit. 3. quod tanta mansuetudine petitiões seras excipit 4. quod os tuum intravit, & in lingua tua resedit

P 2

5. quod

2. quod Rex Regum, quem Cœli non capiunt, in angusto tugurio mancipij sui, manere constituit.

3. Desidera, ut ad præsentiam eius, Domini tui, tota domus cordis tui quietæ & tranquilla sit: Ac statue apud teipsum, te refecturum iudicium, voluntatem, affectus, ac sensus omnes mortificaturum, & quicquid illi displicet, rejecturum.

4. Dilige eum. *Ex tota anima*, submitiendo illi vitam, solumq; eam conservando ad obsequium eius, ac dirigendo cogitationes, verba, opera ad eius beneplacitum.

5. Postula illa 7. dona, de quibus supra in 1. gratiarum actione, ad finem dictum est.

### FER. III. DE MAGISTRO.

1. Aspice Christum *in medio cordis tui*, tanquam magistrum, qui te viam salutis docet, & gratiam ad faciendum, quod docet, impertit: Te verò respice, quasi *discipulum* ejus, qui ob magnam negligentiam tuam, nihil, aut valde parum ex doctrina ejus profecisti.

2. *Grat*

2. Gratias age 1. quod præsens adfuit in sacramento, ut tanquam doctor sapientissimus, viam perfectionis doceat erudiendo quæ agenda sint aut omittenda. Quod manibus discipuli pervicacis se tractandum præbuit. 3. Quod tanta misericordia peritones discipuli, doctrinam cœlestem postulantis, audivit. 4. Quod intravit, & in lingua resedit.

5. Quod Magister Angelorum & hominum, in infima classe cordis permadere constituit, ut te doceat perfectionem potentiam, zelum animarum, &c.

3. Erubescere coram eo, quod alienus sis à doctrina, tiro in via perfectionis: & imitatione eius, statue te, creatura omnia intellectu & affectu deserturum, abscindendo inordinatū amorem creaturarum.

4. Dilige eum *ex toto mente*. 1. spiritum ab omni eo quod displicet mundando. 2. animam virtutibus ornando. 3. memoria, intellectu, voluntate ei adhaerendo.

5. Tranquillitatem mentis inquirendo, ut Christus in te habitet.

6. Pete 7. dona, de quibus supra dictum in prima gratiarum actione.

## FER. IV. DE AMICO.

1. Respice Christum *in medio cordis tui ut amicum* fidelissimum, qui te facultatem & mancipium suum, ad amicitiam suam, & familiaritatem extulit: te vero cogita tanquam *amicum* merse vel potius *mercenarium*, qui cum consolationes recipis, cum diligis; cum autem ad emendationem flagellaris, in dilectione torpescis.

2. Gratias immensas illi age: *Primò*, quia sacramento præsens ita fuit, ut te, sibi factum per gratiam amicum, visiter, & tecum colloquia *dulciora super mel & favum* Psalm. 18. 12. miseret. 2. Quia manibus *amici parum fidelis*, & tepidissime amantis, se & sua bona commisit. 3. quia tam gratis auribus petitiones amici, perseverantiã in amicitia postulantis, auscultavit. 4. quia os tuum intravit, & in lingua resedit. 5. quia amicus ditissimus in conclavi amici pauperrimi semper per gratiam suam, habitare constituit.

3. Pudorem ac dolorem concipe de nuditate, quia virtutibus nudatus es, ac fordidis vitiorum pannis contactus. Desideria virtutum accende, earum præcipue, quarum magis indiges, eas instanter pete, & aliquam (prout tempus tulerit) actibus internis exerce.

4. Dilige Dominum Deum tuum *ex omnibus viribus*; id autem facies, si vires animæ tuæ (memoriam, intellectum, voluntatem) necnon & sensus ac organa corporis tui, in unione virium ac sensuum ipsius, illi offeras, & eis semper, in obsequium ipsius uti constituas.

5. Pete septem illa dona, de quibus suprà, Feria I. dictum est.

## FER. V. DE FRATRE.

1. Respice Christum Salvatorem *in medio cordis tui*, ut fratrem tuum natu majorem ac *primogenitum in multis fratribus*, qui hostes patris æterni reconciliavit, & suos fratres effecit: teque, ut *fraterculum* eius merito minimum, aut potius tali nomine prorsus indignum, quia illi es vita, & moribus valde dissimilis.

2. Gratiarum immensas illi age, primò  
quia

quia in Sacramento præsens adfuit, ut non inimicum diceret, sed fratrem agnosceret; ac tecum paternam hereditatem divideret. 2. quia manibus tuis minimi scilicet fratris se tangendum dedit, ut dum ad eum accedis, *super genua sua tibi blandiatur*, & te prima elementa virtutis docere dignetur. 3. Quia tanta benignitate petitiones fratris moribus dissimilis, & conversationis tempore, ipsum pædio afficientis, audivit. 4. Quia ortuum intravit, & in lingua resedit.

5. Quia filius primogenitus aeterni Patris, in cælo jam regnans obscurum cubiculum fratris, in exilio manentis, non exhorruit, sed in eo habitare sustinuit.

4. Te à tam amantissimo fratre elongatum adverte, & de tua miseria conquerere, eius intimam familiaritatem, per donum orationis, ardentè exopta, ac instanter postula, & omnia ad hoc donum consequendum necessaria tibi præstanda esse propone.

5. Dilige eum *ex omni virtute tua*, quod facies, si omni conatu te omnia mala adversaturum, & bona in præcepto posita, & consilijs evangelicis iuncta

Juncta, te perfecturum, efficaciter proponas, & fideliter impleas.

6. Petes 7. quæ suprâ dicta sunt.

## FERIA VI. DE PATRE.

1. Respice Christum Salvatorem, in medio cordis tui, ut patrem pijsimum, qui te, in cruce; non delicijs, sed doloribus genuit: teque ut filium prodigum. Luc. 15. ex longa peregrinatione revertentem, postquam bona de manu Patris accepta in vitijs dilapidasti, & beneficio ejus, bonis, ac misericordia ejus indigere cognovisti.

2. Gratiâs immensas illi age. 1. Quia in sacramento præsens adfuit, ut te filiû insanum, ex terra sterilissima, nempe ex te ipso ad illum revertentem brachijs dilectionis astringeret, 2. quia manibus filij inobedientissimi, se tangendum, & tractandum tradidit. 3. Quia tanta pietate petitiones filij inobedientis ad eum redeuntis, ac veniam postulantis, exaudivit. 4. Quia os tuum intravit, & in lingua refedit.

Quia Pater infinito amore dignissimus, non solum filium nequam, rever-

ter-

centem in suam domum recepit, sed in  
 sterquilinio eius *nempe in pectore tuo*, ma-  
 nere voluit.

3. Positus coram illo, perfectionem  
 ac sanctitatem veram, ardentem concu-  
 pisce & posce: ut scilicet à peccatis mū-  
 dus, & omni virtute exornatus, illi, in  
 intellectu & affectu jugiter adhaereas,  
 & per charitatem perfectam *ab illo, & in*  
*illo, & per illum* vivas.

4. Dilige eum *ex omni fortitudine tua*,  
 ita scilicet, ut propter illum vitam (si  
 opus fuerit) & salutem corporis, & di-  
 vitias, voluptates ac honores despicias,  
 & sine creaturis vivere assuescas.

5. Pete 7. ut supra medit.

#### VII. SABBATHO, DE SPONSO.

1. Respice Christum Salvatorem, in  
 medio cordis tui, ut *sponsam* dulcissimum,  
 qui animam tuam non quia voluit, & sic  
 suæ benignitati complacuit, animam  
 que tuam velut *sponsam* eius ipsi vinculo  
 status clericalis aut religiosi copulatam,  
 & infinitis beneficijs & donis ad aman-  
 dum illectam.

2. Gratiarum immensas illi age. 1. Quia

Sacra-

Sacramento præsens adfuit; ut te sibi spiritualiter jungeret, & amoris castissimo foveret amplexu. 2. quia ille quæ manibus suis *omnia portat*, tuis manibus, se tangendum, & ore amoris, se osculandum obtulit. 3. quia orationes infidæ *sponse*, eius aspectum, & amplexum postulantis audivit. 4. Quia os tuum intravit, & in lingua resedit. 5. quia in sinu tuo tanquam in lecto sibi desideratissimo, semper tecum pausare decrevit.

3. Afficere erga gloriam æternam, & cogere te ipsum, ut illam ferventer cupias, & ab hoc sæculo misero, emigrare desideres, dicque illi, tanquam *sponsor tuo*. *Cant. 1. 6. Indica mihi quem diligit anima mea, ubi pascas, ubi cubes in meridie.*

4. Omnes hodie affectus amoris collige, diligè que Deum tuum, orationem aliquantulum protrahens, ex *tota mente tua*, & ex *omni fortitudine tua*.

5. Pete 7. ut supra dictum est, meditatione prima.

### MONITIO.

**H**Æc formula alicui commoda visa est, ad gratias post Missam agendas.

**Tu**

Tu verò sive hoc, sive alio modo, gratias agere non prætermittas. Id enim vitium esset ingratitude pessimum, etiamsi exigua recepisses: sed post tam eximium beneficium susceptum intolerandum, ac, si fieri posset, peius pessimo esse conspicitur. Et idem fortassis misericordias, quas exoptas, non recipis: quia huic tanto dono tam frequenter suscepto, ingratus existis. Nam ut sapienter scripsit S. Bernardus *sermon. contra vitium ingratitude*: Multos quoque videmus usque hodie, satis importunè petentes, quod sibi deesse cognoverint, sed paucos admodum novimus, qui dignas superacceptis beneficijs gratias agere videantur. Nec reprehensibile, quod instanter petimus, sed sanè petitioni negat effectum, quod invenimus ingrati. Et fortè hoc etiam clementia esse videtur, ingratis negare, quod postulant: ne contingat nobis, ut tanto gravius de ingratitude judicemur, quanto magis accumulatis beneficijs, ingrati probabimur extitisse. Ergo misericordie res est, in hac parte, subtrahere misericordiam. Quemadmodum iræ & indignationis exhibere mi-

seri-

Misericordiam, eam sanè, de qua per Prophetam ipse Pater misericordiarum loquitur dicens : Isa. 16. *Misereamur impio, & non discet facere iustitiam.* Simus ergo huic beneficio grati, & nunquam illud sine sequenti laudum & amoris frequenti exercitio, ac gratiarum actione sumamus, ut fructus, tam accepti æterno Patri sacrificij & tam ditissimi Sacramenti, nos simul cum eo percepisse lætemur.

---

C A P U T I V.

ALIA PRÆPARATIO;  
 & Meditationes, ante & post  
 Sacrum.

HÆc præparatio consistit præcipuè in puritate, & oratione, seu meditatione, qua animus ad tanta mysteria excitetur.

§. 1. De Puritate.

1. Necessitas hujus puritatis oritur ex ipsa Missæ excellentia, quæ Sacerdotibus